

BOSNA I HERCEGOVINA
FEDERACIJA BOSNE I HERCEGOVINE
OPĆINA LUKAVAC
OPĆINSKI NAČELNIK
Broj:02-05-1541/16
Lukavac, 09.12.2016. godine

Na osnovu člana 64. stav (1). tačka b), člana 25., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14), člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj 103/14) i člana 6.tačka (10) Pravilnika o uspostavljanju i radu Komisije za javne nabavke broj: 02-02-2-386/15 od 13.03.2015. godine, na Preporuku Komisije za provođenje postupka javne nabavke broj: 02-05-1541/16 od 08.12.2016. godine u otvorenom postupku javne nabavke za nabavku potrošnog kancelarijskog materijala-LOT 1 Općinski načelnik d o n o s i

O D L U K U

o izboru najpovoljnijeg ponuđača-LOT 1

Član 1.

Prihvata se preporuka Komisije za provođenje postupka javne nabavke broj: 02-05-1541/16 od 08.12.2016. godine i Okvirni sporazum za javnu nabavku roba za nabavku potrošnog kancelarijskog materijala dodjeljuje se ponuđaču R&S d.o.o Sarajevo, ponuda broj: 9245/16 od 15.11.2016. godine, za ponuđenu cijenu u vrijednosti od 10.828,95 KM bez PDV-a, kao najpovoljnijem ponuđaču.

Član 2.

Izabrani ponuđač dužan je nakon prijema odluke o izboru dostaviti **u roku od 5 dana** originale ili ovjerene kopije dokaza o ispunjavanju uslova iz člana 45. stav (2) tačka od a) do d) Zakona o javnim nabavkama BiH, navedene u tački 12.2. od a) do d) tenderske dokumentacije broj : 02-05-1541/16. Takođe, izabrani ponuđač u sastavu ponude dostavio je obične kopije za slijedeće potvrde: potvrdu o solventnosti Privredne banka Sarajevo broj: 1-3700/16 od 03.11.2016. godine, potvrdu o solventnosti INVESTICIONO KOMERCIJALNA BANKA DD ZENICA broj: 1-206/16 od 07.11.2016. godine, potvrdu o solventnosti od Addiko Bank d.d. Sarajevo od 35-02/16-266 od 02.11.2016. godine, potvrdu o solventnosti od NLB Banke d.d. Sarajevo, Filijala Sarajevo, broj: 112601-1160/16 od 03.11.2016. godine, potvrdu o solventnosti od INTESA SANPAOLO Banka d.d. BiH broj: AA-129/11/16 od 02.11.2016. godine, potvrdu o statusu računa od Union banke dd Sarajevo br.FSA 12/1-466/16 od 02.11.2016. godine, potvrdu od Vakufske Banke d.d. Sarajevo broj: 6856/2016 od 02.11.2016. godine, potvrdu o solventnosti računa od UniCredit Bank d.d. broj: 06-03-S-494/16 od 02.11.2016. godine, potvrdu od MF banke broj: 208-215/2016 od 02.11.2016. godine, potvrdu o solventnosti transakcijskog računa kod Raiffeisen bank dd BiH Glavna filijala Sarajevo broj: 03877/16 od 02.11.2016. godine, potvrdu od Sparkasse bank dd BiH od 02.11.2016. godine, potvrdu o solventnosti od Sberbank BH d.d. Sarajevo broj: 6150-4720/16-SD od 02.11.2016. godine i potvrdu o solventnosti od ProCredit Bank d.d. Sarajevo broj: 01-0-8917/16 od 02.11.2016. godine, te je dužan dostaviti originale ili ovjerene kopije za iste kako je traženo tačkom 13.2.4. Tenderske dokumentacije broj 02-05-1541/16.

Ukoliko izabrani ponuđač ne dostavi traženu dokumentaciju u određenom roku, ili je ne dostavi na propisan način , ugovor za javnu nabavku dodijeljuje se drugorangiranom ponuđaču u skladu sa članom 72. stav (3) Zakona o javnim nabavkama.

Član 3.

Prijedlog Okvirnog sporazuma o nabavci dostavit će se na potpis izabranom ponuđaču nakon isteka roka od 15 (petnaest) dana, računajući od dana kada su svi ponuđači obavješteni o izboru najpovoljnije ponude.

Član 4.

Ova odluka objavit će se na internet stranici ugovornog organa (www.lukavac.ba) istovremeno sa upućivanjem ponuđačima koji su učestvovali u postupku javne nabavke, u skladu sa članom 70.stav 6. Zakona o javnim nabavkama.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 02-02-1-1540/16 od 24.10.2016.godine. Javna nabavka sprovedena je otvorenim postupkom nabavke. Procjenjena vrijednost javne nabavke bez PDV-a je 17.000,00 KM.

Obavještenje o nabavci broj: 719-1-1-65-3-48/16 objavljeno je na Portalu javnih nabavki dana 25.10.2016. godine.

Komisija za provođenje postupka nabavke imenovana Rješenjem broj: 02-05-1574/16 od 28.10.2016.godine dostavila je ugovornom organu-općinskom načelniku Zapisnik o pregledu i ocjeni ponuda broj: 02-05-1541/16 od 08.12.2016. godine, Preporuku o izboru najpovoljnijeg ponuđača broj: 02-05-1541/16 od 08.12.2016. godine i Izvještaj o radu broj: 02-05-1541/16 od 08.12.2016. godine.

U postupku po Izvještaju o radu je utvrđeno da je Komisija za provođenje postupka nabavke blagovremeno i pravilno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku primljene pet ponude;
- da su blagovremeno primljene pet ponude;
- da nije bilo neblagovremeno primljenih ponuda;
- da su ponude ponuđača „PČELICA M“ d.o.o. Tuzla, PRIMAPROM d.o.o. Banja Luka, R&S d.o.o. Sarajevo, Aero Exclusive d.o.o. Sarajevo PJ Tuzla i „Alfadivit“ d.o.o. Živinice kvalifikovane i prihvatljive, naime dostavljeni su svi traženi dokazi propisani tenderskom dokumentacijom, na propisan način.

U postupku donošenja ove Odluke, posebno su cijenjene činjenice da je Komisija, pravilno i potpuno izvršila ocjenu kvalifikovanosti ponuđača te pregled i ocjenu ponuda, u skladu sa kriterijima iz Tenderske dokumentacije.

U postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje Preporuke Komisije za provođenje postupka javne nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom. Uvidom u priloženu tendersku dokumentaciju utvrđeno je da procijenjena vrijednost nabavke bez uključenog PDV-a iznosi 17.000,00 KM i da je kriterij za dodjelu ugovora najniža cijena.

Ponuđač R&S d.o.o. Sarajevo dostavio je prihvatljivu ponudu sa cijenom od 10.828,95 KM bez PDV-a koja je u odnosu na kriterij za dodjelu okvirnog sporazuma ocijenjena kao najpovoljnija.

Iz navedenih razloga, primjenom člana 64. stav (1) tačka b) Zakona o javnim nabavkama, člana 25., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14), člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj 103/14) i člana 6. tačka (10) Pravilnika o uspostavljanju i radu Komisije za javne nabavke broj: 02-02-2-386/15 od 13.03.2015. godine riješeno je kao u članu 1. ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine-Filijala Mostar, putem ugovornog organa u pisanoj formi direktno ili preporučeno poštanskom pošiljkom na adresu Općina Lukavac, Trg Slobode 1, 75300 Lukavac. Žalba se podnosi u najmanje tri primjerka.



1. „PČELICA M“ d.o.o. Tuzla
2. PRIMAPROM d.o.o. Banja Luka
3. R&S d.o.o. Sarajevo
4. Aero Exclusive d.o.o. Sarajevo
5. „Alfadivit“ d.o.o. Živinice
6. Evidenciji i
7. Arhivi.-